

四庫全書

子部

欽定四庫全書

子部

六藝之一錄卷三百九十二

詳校官中書臣陸湘

貢外郎臣牛稔文覆勘

總校官檢討臣何思鈞

校對官中書臣陸湘

謄錄監生臣王宮

欽定四庫全書

六藝之一錄卷三百九十二

錢唐倪濤撰

歷朝書譜八十二

宋賢墨蹟

詞翰

蘇東坡菩薩蠻詞

買田陽羨吾將老
從初只為溪山好
來往一虛舟
聊從造物游
有書仍懶著
且漫歌歸去
筋力不辭詩要須
風雨時

蘇東坡滿庭芳

並序

予居黃五年將赴臨汝作滿庭芳一篇別黃州既至南都蒙恩放歸陽羨復作一篇

歸去來兮清溪無底上有千仞塞我畫樓東畔天遠夕陽多老去君恩未報空回首彈鋏悲歌船頭轉長風萬里歸馬駐平坡無何何處是銀潢盡處天女停梭問何事人間久戲風波顧謂同來稚子應爛汝腰下長柯青山破羣仙笑我千縷掛煙蓑

米南宮登海岱樓玩月詞

海岱樓玩月作調寄蝶戀花

千古漣漪清絕地海岱樓高下瞰秦淮尾水浸碧天天
似水廣寒宮闕人間世 藹藹春和生海市鼇戴三山
頃刻隨輪至寶月圓時多異氣夜光一顆千金貴

米南宮詞蹟

風爐煮茶霜刀剖瓜暗香透窓紗是池中藕花 高梳
髻鵝濃妝臉霞玉尖彈動琵琶問香醪飲麼米芾

王晉卿潁昌湖上詩蝶戀花詞卷

潁昌湖上余有贈諸公詩其畧曰清影十分月暗香千
柄蓮不知從此別高會復何年韓公詩曰浩歌輕白雪
密意得青蓮詩就西橋月留為好事傳而蜀公云慣乘
霄漢鶴翻說淤泥蓮可惜玉臺處等閒閒幾年蓋公不
喜釋氏故有是句亦可一笑也 小雨初晴迴晚照金
翠樓臺倒影芙蓉沼楊柳垂垂風裊裊嫩荷無數青鈿
小 似此園林無限好流落歸來到了心情少坐到黃

昏人悄悄更應添得朱顏老
右蝶戀花余舊不飲酒

近年輒能飲故多醉中所書耳

韓公韓持國也
蜀公范景仁也

曹溶跋一則見前

方少翁黃鶴引詞帖

生逢垂拱不識干戈免田隴士林書圃終年庸非天寵
才初闢葺老去支離何用浩然歸筭似黃鶴秋風相送
塵事塞翁心浮世莊生夢漾舟遙指煙波羣山聳動
神閒意聳回首利輶名輶此情誰共問幾許淋浪春甕

右黃鶴引方勺

李易安一剪梅詞

紅藕香殘玉簟秋。輕解羅裳，獨上蘭舟。雲中誰寄錦書來？雁字回時，月滿樓花。自飄零、水自流。一種相思，兩處閒愁。此情無計可消除。纔下眉頭，却上心頭。右調一剪梅

楊補之詠鞦詞帖

端正纖柔如玉削。窄鞦宮鞦，軟襯吳綾。薄堂上細看纔

半搦巧偷強奪嘗春酌
穩稱身材輕綽約微步盈盈
未怕香塵覺試問更誰如樣
腳除非借與嫦娥著
右
咏鞦調蝶戀花逃禪老人楊無咎

韓忠武王二詞蹟

冬日青山瀟灑靜春來山暖花濃
少年衰老與花同世間名利客
富貴與貧窮榮華不是長生藥
清閒是不死門風勸君識取主
人公丹方只一味盡在不言中

右調臨江仙

人有幾何般富貴榮華總是閒自古英雄都是夢為官
寶玉妻孥宿業纏年事已衰殘鬢髮蕭蕭骨髓乾不
道山林多好處只恐癡迷子賢未有脫字右調南鄉子世
忠

陸放翁書大聖樂詞

草書

電轉雷驚自嘆浮生四十二年試思量往事虛無似夢
悲歡萬狀合散如烟苦海無邊愛河無底流浪看成百
漏船何人解問無常火裏跌打身堅須臾便是華顛

好收拾形骸歸自然又何須著意求田問舍生須宦達
死要名傳壽夭窮通是非榮辱此事由來都在天從今
去任東西南北作音做个飛僊游

陸放翁書長相思詞五闕

雲千重水千重身在千重雲水中月明收釣筒 頭未
童耳未聾得酒猶能雙臉紅一尊誰與同

橋如虹水如空一葉飄然烟雨中天教稱放翁 側船
篷使江風蟹舍參差漁市東到時聞暮鐘

悟浮生厭浮名回視十鍾一髮輕從今心太平
愛松聲愛泉聲寫向孤桐誰解聽空江秋月明

面蒼然鬢皓然滿腹詩書不值錢官閒常晝眠
晝凌烟上甘泉自古功名屬少年知心唯杜鵑

暮山青暮霞明夢筆橋頭船子橫蘋風吹酒醒
看潮生看潮平小住西陵莫校程蓴絲初可烹
淳熙戊申八月下澣笠澤陸游書

張叔夏過韓平原慶樂園賦高陽臺詞蹟

古木迷鴉虛堂起燕歡遊轉眼驚心南圃東窻酸風掃
盡芳塵鬢貂飛入平原草最可憐渾是秋陰夜沉沉不
信歸魂不到花深 吹簫踏葉幽尋去任船依斷石袖
裏寒雲老桂懸香珊瑚碎擊無聲故園已是愁如許撫
殘碑又却傷今更關情秋水人家斜照西林

吳夢寬詞稿

玉漏遲瓜涇度中秋夕賦

鴈邊風訊小飛瓊望杳碧雲先晚露冷闌干定怯藕絲

冰腕淨洗浮空片玉勝花影春燈相亂秦鏡滿素娥未
肯分秋一半 每圓處即良宵甚此夕偏饒對歌臨怨
共一嬋娟幾許霧屏雲縵孤兔淒涼臨水曉風起銀河
西轉摩淚眼瑤臺夢回人遠

思嘉客賦閨中秋

丹桂花開第二番東籬展却宴期寬人間寶鏡離還合
海上仙槎去復還 分不盡半涼天可憐閒剩此嬋娟
素娥未隔三秋夢贏得今宵又倚闌

沁園春冰漕鑿方泉賓客請以名齋邀賦此

解

澄碧西湖輭紅南陌銀河地穿見華星浮影僊棋局靜
清風行處瑞玉圭寒斜谷山深望春樓遠無此崢嶸小
渭川一泓地解不波不涸獨障狂瀾老蘇而後坡仙
繼菊井嘉名相與傳試摩挲勁石無令角折丁寧明月
莫浣規圓謾結鷗盟那知魚樂心止中流別有天無塵
夜聽吾伊正在秋水闌干

齊天慢毗陵兩別駕招飲丁園索賦

竹深不放斜陽入橫披澹墨林沼斷莽平煙殘荷剩水
宜得秋深纔好荒亭旋掃正著酒寒輕弄花春小障錦
西風半圍歌袖半吟草獨游清興易懶景饒人未勝
樂事常少柳下停車尊前幘同撫雲根一笑秋香未
老漸風雨西城暗欺客帽背川移舟亂鴉溪樹曉

蘇武慢賦芙蓉

藻閣淒迷麴瀾澄映怨入粉烟藍霧香籠麝水膩漲紅

波一鏡萬妝爭妬湘女歸魂珮環玉冷無聲凝情誰想
又江空月墮凌波塵起繡鴛愁舞還暗憶鈿合蘭橈

絲牽瓊腕見的更憐心苦玲瓏翠屋輕薄冰綃穩稱錦

雲留住生怕哀

缺

暗驚秋被紅衰啼珠零露能

去聲

西風

老盡羞趁東風嫁與

老盡下疑脫二字

八聲甘州和施知言姑蘇臺韻

步晴霞倒影洗閒愁深梧灝風漪望越來清淺吳歛杳
靄江雁初飛輦路凌空粉冷渥妝池歌舞烟霄頂樂景

沈暉 別是新紅闌檻對女牆山色碧淡宮眉問姑蘇
游鹿應笑古臺非有誰招扁舟漁隱但賦情西子却題
詩閒風月閣消磨盡浪打鷗磯

水龍吟賦惠山泉

艷陽不到青山淡烟冷翠成秋苑吳娃點黛江妃擁髻
空濛遮斷樹密藏溪草深迷市峭雲一片二十年舊夢
輕鷗素約霜絲亂朱顏變 龍吻春霏玉濺煮銀瓶羊
腸車轉臨泉照影清寒沁骨客塵都浣鴻漸重來夜深

華表露零鶴怨把閒愁換與樓前晚色棹滄波遠

丁香結賦小春海棠

香娟紅霏影高銀燭曾縱夜遊濃醉正錦溫瓊膩被燕
蹋暖雪驚翻庭砌馬嘶人散後秋風換故園夢裏吳霜
融曉陡頓閣動偷春花意還似海霧冷仙山喚覺環
兒半睡淺薄朱唇嬌羞艷色自傷時背簾外掛淡月向
立秋千地懷春情不斷猶帶相思舊字

花犯郭希道送水仙索賦

小娉婷清鉛素靨蜂黃暗偷暈翠翹敲髻昨夜冷中庭
月下相認睡濃更苦淒風緊驚迴心未穩送曉色一壺
蔥蒨財如花夢準湘妃化作此幽芳凌波路古岸雲
沙遺恨臨砌影寒香亂凍梅藏韻熏爐畔旋移傍枕還
又見玉人垂紺鬢料喚賞清華池畹臺榭須滿引

元賢墨蹟 詞翰

趙文敏書詞 行書

雲淡風輕傍花隨柳將謂少年行樂齋閣林間小車城

裏千古太平西洛瞻彼泱泱言思君子流水儼然如昨
但清遊天際輕輕未辦暮愁離索長記得童冠相隨
浴沂風舞吟咏鳶飛魚躍逝者如斯吾衰甚矣調理自
存斟酌清廟朱絲舊堂金石隱几似聞更作農人告有
事西疇窈窕掛書牛角右調雨中花

北隴耕雲南溪釣月此是野人生計山鳥能歌江花解
笑無限乾坤生意看畫歸來挑簷閒眺風景又還光霽
笑人生奔走如狂萬事不如沈醉細看來聚蟻功名

戰蛙事業畢竟又成何濟有分山林無心鐘鼎誓與漁
樵深契石上酒醒山間茶熟別是水雲風味順吾生素
位而行造化任他兒戲 右調雨中花

昏曉相催百年窻暗窻明裏人生能幾贏得貂裘敝
富貴浮雲休戀青綾被歸與未放懷烟水不受風塵昧
右調點絳脣子昂漫書

鮮于伯機書青天詞

青天無數白雲無數綠水繞灣無數灞陵橋上望西川

動不動八千里路 來時春暮去時秋暮歸來又還春
暮人生七十古來稀好看能得幾度漁陽困學書

鮮于伯機滿江紅詞

近覽鏡白鬚漸多戲作滿江紅長短句繡
江先生拜參上馬敢錄呈醜幸乞一笑鮮
于樞頓首

詩酒名場人都羨紫髯如戟今已矣星星滿領不堪重
摘衰老自知來有漸窮愁誰道尋無迹笑劉郎辛苦覓

仙方終何益 東逝水西飛日年易失時難得賴此身
健在寸陰須惜生死百年朝有暮盛衰一理今猶昔問
人間誰是魯陽戈杯中物

楊仲弘水龍吟詞帖 行書

鴻溝定約東歸又誰遣赤龍迴指青娥舞罷重瞳飲泣
斷腸聲裏半壁酸風兩淮寒月古今興廢眇烏江滿眼
驚濤卷雪分明總是英雄淚 木末招招舟子載何人
斷烟流水平沙盡處青山數點江東千里長嘯風前無

人會我登臨此意但黃蘆古木夕陽回照有漁歌起

黎芳洲滿江紅詞帖

行書

鮑魚腥斷楚將軍驅虎鞭龍而起空費咸陽三月火鑄
就金刀神器垓下軍稀陰陵道隘月黑雲如壘楚歌四
起山川都姓劉矣悲泣喚醒虞姬和伊死別雪刃飛
華髓霸業休休驪不逝遺恨烏江流水老廟頽垣斜陽
紅樹盡付鴉聲裡興亡休問高陵秋草空翠

王雲菴香奩八詠卷

詞內評
語原蹟

寶鑑凝膏溫泉流膩瑤纖一把青絲墜冰膚淺漬麝煤
春花香石髓和雲洗玉女峰前咸池月底臨風輕把
犀梳理陽臺行雨乍歸來羅巾猶帶瀟湘水石金盆

沐髮

錢雅評作家語自
別雅筆如何可到

冰鑑懸秋瓊腮凝素鉛華夜搗長生兔玉容自擬比姮
娥妝成只恐姮娥妬花影涵空蟾光籠霧芙蓉一點
溽秋露年年只在廣寒宮今宵鸞影驚相遇右月奩

勻面

用事善幹運錢雅
評在第二句下

粉凝紅冰香消獺髓鏡鸞影裏人憔悴梨花帶雨不禁
愁玉纖彈盡相思淚恨鎖春山嬌橫秋水臉桃零落
胭脂碎故將羅帕搵啼痕寄情欲比相思字右玉頰

啼痕

缺雅評亦
善描意

淡掃春痕輕籠芳靨捧心不效吳宮怨楚梅酸蹙翠尖
纖湘煙碧聚愁萋萋紺宇寒凝月鈎金灩鶯吭咽處
微偷歛新翻嫵態太嬌嬈鏡中蛾綠和香點右黛眉

顰色

錢雅評前闕善於形容後
闕因有嗚咽而有顰色

金谷游情消磨不盡軟紅塵裏雙鴛印蘭膏走滑翠生
痕金蓮脫落凌波影蝶徑遺踪雁沙凝潤為誰留下

東風恨玉兒飛化夢中雲青蘋流水空仙咏右芳塵

春迹

錢雅評非舊時
月色誰能道此

烟冷瑤櫺神遊貝闕芙蓉城裏花如雪俊便仙郎同躡鳳

凰翎千門萬戶皆明月自然見夢海碧山青天荒地老滿

身風露飄環玦高樓畫角苦無情一聲吹散雙飛蝶

右雲窻秋夢

錢雅評相相並
蘊結尤飄灑

碧藻文鴛交枝連理金鍼停處渾如醉楊花一點是春
心鶻聲啼到人千里 喚醒離魂猶疑夢裡此情恰似
東流水雲窻霧閣没人知綃痕浥透紅鉛淚 右繡床

凝思

錢雅評用意措
辭高出衆作

暗擲龍文尋盟鸞鏡龜兒不似青蚨準

好句

花房羞化彩

蛾飛銀橋密遞仙娥信

錦屋瓊樓薄情飄性碧雲望

斷紅輪暝珠簾立盡海棠陰待溫遙夜駕衾冷 右金

錢卜歡

錢雅評雪月
神仙話意

香奩八詠俱調寄踏莎行雲菴叟王德璉誤

雲間詩社香奩八題無春坊才情者多為題所困縱有
篇什正如三家邨婦學宮妝院體終帶鄙狀可醜也晚
得玉樓子八作衆推為甲而長短句樂府絕無可拈出
者雲菴老先生寄示踏莎行八闕讀之驚喜先生蓋松
雪翁門倩今年八十有三矣而堅強清爽出語娟麗流
便此殆雪月中神仙人也謹以付翠兒度腔歌之又評
付龍洲生附八詠詩於後以見王孫門中舊時月色雖

閱喪亂固無恙也至正丙午春三月初吉錦窩老人楊
楨叙

華青春晝賜溫泉綰脫青絲撒一編翠雨亂跳花底月
黑雲半掩鏡中天銅仙盤滿添香露玉女盆傾拾翠鈿
攏得雲鬟高一尺罍冠新上玉臺前金盤沐髮

一片清光照膽寒玉容滿鏡掩飛鸞素娥照見黃金闕
絳雪鎔開白玉盤翠點柳尖春未透紅生櫻顆落初乾
好風與我披羅幙一朵芙蓉正面看月奩勻面

天然玉質洗鉛華怪底偏將半面遮紅滴香冰融獺髓
彩拈膩雨上梨花收乾通德言難盡點濕明妃畫莫加
聚得斑斑在何處軟綃寄與薄情家 玉頰啼痕

按樂圖開列滿堂春愁何獨損清揚蜀山煙雨雙尖瘦
漢柳風霜兩葉蒼索畫未成京兆譜欲啼先學壽陽妝
蕭郎忽有歸期報喜色天長一點黃 黛眉顰色

是誰屨步印微茫便似石家春滿牀軟雪消時痕晃底
好風來處步生香綵雲飛上鞦韆鐙芳草侵來蹴踘場

愁似

缺

成獨立綵鴛拾得在東牆
芳塵春迹

骨冷魂清酒力微
路迷藉草是還非
羅浮曉月相將去
巫峽斷雲何處飛
金彈撇過驚忽忽
玉龍嘶了尚依依
不知直到釣天所
記得霓裳樂譜歸
雲窻秋夢

綵線添來日正遲
香絨倦理一支頤
心游飛絮渾無著
身蛻枯蟬忽若痴
花幘錯描愁伴覺
金針閣住計誰知
絕憐小玉情緣重
到死春蠶始絕絲
繡床凝思

紫姑壇上囑方兄
忽聽呼盧擲地聲
星斗未分牛女會

陰陽先判雨雲生青蚨朶子寧無兆玉蝶化身元有情
寶鏡重圓三五夜重摩半月問虧盈金錢卜歡

倪雲林詩餘手蹟

東風花外小紅樓南浦山橫眉黛愁春寒不管梅花瘦
無情水自流簷間燕語嬌柔驚回幽夢難尋舊遊落
日簾鉤右調水仙子

吹簫聲斷更登樓獨自凭闌獨自愁斜陽綠慘紅消瘦
長江日際流百般嬌千種溫柔金縷曲新聲低按碧

油車名園共游絳紗裙羅襪如鈎 前調

扶疎玉蟾宮樹影闌干曲一襟香露幾枝金粟 姮娥

鏡掩秋雲綠無端風雨聲相續不須澄霽為沽醺醖

參差玉笙聲莫起瑤臺曲清風香浸夜涼肌粟 黃雲

巧綴飛霞綠清吟未斷秋霖續恐孤花意倒尊中醖

右賦憶秦娥二闕

春渚芹蒲秋郊梨棗西風沃綠收紅稻簷前炙背媚晴
暘天涯轉瞬淒芳草 魯望漁村陶朱煙島高風峻節

如今掃黃雞啄黍濁醪香開門迎笑東鄰老
右調踏莎行

夜永愁人偏起早客鬢蕭蕭鏡裡看枯槁雨葉鋪庭風
為掃閉門寂寞生幽草行路難行悲遠道說著客行
真個令人惱久客還家貧亦好無家謾自傷懷抱
右調蝶戀花

蓬上雨潺潺蓬底幽人夢故山礧林扉元不閉蕭閒只
有飛雲可往還波冷玉珊珊一壑松風引珮環咏得

池塘春草句更闌行盡千峰半霎間
右調南鄉子東林橋雨蓬夢歸曲全叟倪瓚

徐敏甫詞

袁貫徐郭四家合卷內

中秋後四日奉母挈累遊問政之興道觀望黃山俯練
水遂賦水調歌頭徐遜拜

盤馬萬山頂彈禽羣木中追思年少行樂減盡舊豪雄
三十六峰青矗三百六灘碧逝歸路杳重重拱手問仙
伯謫宦豈天公奉慈親携稚子訪琳宮太虛點雪高

處萬慮一杯融但得挈家歸隱何用舉家拔宅雞犬亦
昇空長嘯下山去脚底響松風

郭天錫抄諸賢遺稿

內詞品

張玉田山中白雲詞題紅葉云萬里飛霜千山落木寒
艷不招春妬楓冷吳江獨客又吟愁句流水孤村似花
繞斜陽芳樹甚荒溝一片淒涼載情不去載愁去長
安誰問倦旅羞見衰顏借酒飄零如許謾倚新妝不入
洛陽花譜為回風起舞尊前盡化作斷霞千縷記陰陰

綠遍江南夜窻聽暗雨 右調綺羅香

賦松花云碧浮春蓋黃點秋棋細芳泛月露委殘釵烟
梳高髻曾戲折幾度宿寄山房麴塵雲屑香入蜂鬚蜜
房風味應別 簞酒浮湯愛霏霏粉黃清絕嫩苞新子
憑誰香歌五粒 到只怕東風吹盡長蕭蕭黃髮獨鶴歸
來滿庭零亂金雪 右調華胥引

咏蟬云槐薰忽送清商怨依稀乍聞還歇故苑愁深危
絃調苦前夢蛻痕枯葉傷情訴別是幾度斜陽幾回新

月轉眼西風一襟幽恨向誰說
低鬟猶記動影翠貂
應悞我雙鬢如雪枝冷頻移陰踈難戀空負好秋時節
淒淒切切漸迤邐黃昏砌蟲相接露滴涼柯晚來聲更
咽
右調齊天樂

題周草窻志雅堂云製荷衣傍山窻卜隱雅志可閒時
款竹門深移花檻小動人芳意菲菲怕冷落蘋洲夜月
想時將漁笛靜中吹塵外柴桑燈前兒女笑語忘歸
分得烟霞數畝乍掃苔尋逕撥葉通池放鶴幽情吟鶯

歡事老去却願春遲愛吾廬琴書自樂好襟懷初不要
人知長日一簾芳草一卷新詩 右蘋洲漁笛譜

送人之西江云寒侵桂葉雁風擊碎珊瑚屑涼閒試
新霜晴帖頌橘騷蘭秋事正奇絕 故人又作西江別
書樓虛度中秋節碧欄倚遍愁誰說愁是新愁月是舊
時月 右調醉落魄

嘯翁詞云草夢初回卷簾盡放閒愁去晝長無侶自對
黃鸝語 絮影蘋香春在無人處移舟去未成新句一

硯梨花雨 右調點絳脣

圖書一室春暖垂簾密花滿翠壺薰硯席睡覺半窻晴
日 手寒不了殘碁籌香細勘唐碑無酒無詩情緒欲
梅欲雪天時

楊庶夫書巫峽雲濤石屏志跋

內詞二章

踏莎行賦巫峽雲濤

雪練橫空箭波崩岫女媧不補蒼冥漏何年鑿破白雲
根銀河倒瀉驚雷吼 羅帶分香瓊纖擎酒銷魂桃葉

烟江口當時樓上倚闌人如今恰似青山瘦吳興王國
器

烟外斜陽雲中遠岫翠眉輕補牋脂漏

見南朝
侍兒錄

迴波都

是斷腸聲斷腸更聽哀猿吼 暮雨凝愁朝雲殢酒餘

音遠寄湓江口世間木石本無情如何也似離人瘦七月
之望曉起試筆用前韻同賦蘇大年

明賢墨蹟 詞翰

曾子啓蘇武慢詞帖

行書

二十四橋繁華消盡惟有月明如故回首長安舊都猶
在何事獨留南土玉樹清歌翠娥嬌艷縹緲綠窻朱戶
到如今楊柳春風還似細腰輕舞曾記得繡幕低垂
珠簾半卷對酒緩歌金縷螢火飛殘暮鴉驚散腸斷綠
蕪歸路鵲背風高龍舟波冷空隔海天雲霧待何年來
看瓊花坐對碧霄涼露永樂癸巳春二月舟次維揚
祭酒胡公作蘇武慢詞以寓懷古之意因用其韻賦此
云翰林侍講廬陵曾榮書於北京之卷雨軒

文衡山詞蹟

富春山下畫舫新來正雨過青林波生碧渚千峰日照
兩岸花開北郭池塘東門楊柳二十年前幾往迴重登
眺愛風煙如畫臨水樓臺追思少日情懷猶憶先人
舊郡齋向范老祠前春風走馬客星亭上雪夜觀梅往
事分明故交零落嘆息光陰一瞬哉佇立久念白雲芳
草頻去徘徊右調沁園春徵明

輕風驟雨捲新荷湖上晚涼多行春橋外山如畫綠山

去十里松蘿滿眼綠陰芳草無邊白鳥滄波 夕陽還
聽竹枝歌天遠奈愁何漁舟隱映垂楊渡都無繫來往
如梭笑道玉堂金馬何如短棹輕蓑 右調風入松泛
湖作為紫溪書徵明

紅雨鑒花綠陰鏤日名園景色撩人游衫初試汗漬薄
羅新節候今年差晚增歲閏四月猶春應無那煥煥韶
麗微翠惹游塵 向尊前花下聽歌荏苒接笑逡巡古
來四事難得是良辰起坐何曾問主斜陽亂主亦忘賓

拚沈醉太湖石畔翠軟草敷茵
右初夏賞牡丹調寄
滿江紅徵明

沈石田詞蹟

誰道金強焦亦稱兩朶芙蓉浸在玻璃鏡頭白老翁尋
此勝過江先盡金山興 隔水焦山闌小凭寄語西風
後日來當定白鶴如期驂我乘一聲獨笑江聲靜 右
春日登金山望焦山有作沈周

殘葉林梢風瑟瑟秋波照眼通天碧南北東西聊泛宅

人不識江湖自有江湖客
裊裊釣竿三百尺金龜未
換鱸魚白船本窄一般自有容身策
漁家傲

天地一癡仙寫畫題詩不換錢
畫債詩逋忙到老堪憐
白作人情白結緣
無興是今年浪泊茅堂水漫田筆
硯只宜收拾起休言但說移家上釣船
右寄南村張處士白石翁

柴門晴也喜山意方舒春湖堪寫
挂著藤條門外走見
打鼓喧村社逐隊隨行南閭北巷儘趁
兒童耍強於游

宦去鄉萬里羸馬 但願年康健百年依舊白首甘田
野天上多桃根杏祇處處有栽培者儂柘雲屯儂秧雨
潑未便風期下將他博換都來各自難捨 暮春試筆
和楊儀部念奴嬌一闕因錄寄德澂云沈周

唐六如嘆世詞八闕

春去春來白頭空自捱花落花開紅顏容易改世事等
浮埃光陰如過隙休慕雲臺功名安在哉休想蓬萊神
仙真浪猜 清閒兩字錢難買枉把身拘礙人生過百

年便是超三界別無閒計策

極品隨朝誰似倪宮保萬貫纏腰誰似姚三老富貴不
堅牢達人須自曉蘭蕙蓬蒿算來都是草鸞鳳鴟梟算
來都是鳥北邙路兒人怎逃及早尋懽樂痛飲一萬
觴大唱三千套無常到來猶恨少

禮拜彌陀也難憑信他懼怕閻羅也難迴避他枉自苦
奔波回頭纔自可口是懸河也須牢閉呵手是揮戈也
須牢袖呵越不聰明越快活省了些閒灾禍家私那

用多官爵何須大我笑別人人笑我

暮鼓晨鐘聽得咱耳聾春燕秋鴻盼得咱眼朦猶記做
頑童俄然成老翁休逞姿容難逃青鏡中休使英雄都
堆黃土中 箕來不如閒打哄枉自把機關弄跳出麪
糊盆打破酸虀甕誰是惺惺誰懵懂

有酒無花端的為省酒有妓不佳也難當做有選妓要
班頭方纔是對手不論酸甜酒須頃一百斗爛醉酩酊
通宵不肯走 老頭兒非是要出醜世事多參透一朝

那話兒來要耍不能勾想人生有幾個到九十九

荏苒春光不覺歸去早老朽容顏怎能又還少明月尚可邀昨宵難再找綠蟻紅裙一刻不可少萬事由天何勞空自炒
甜的苦的一般樣老甜的多歡樂赴了些有名席睡了些風流覺把一個張揭老兒乾罷了

一主一賓一個知心表一味一壺一輪明月皎或把話兒嘲或將琵琶掃只唱新詞舊曲都丟了只論今番往事多勾倒
今年覺比去年老緊要著光陰到今日說

你忙明日說無鈔問先生那一日纔是箇好

競短爭長世事何時已富貴貧窮由天不由已七十古
來稀而今豈止你風雨憂愁又常多似喜屈指尋思前
途能有幾是會的從今日受用起莫為千年慮對景
且開懷有酒須招妓既為人須索要為到底右調對
玉環清江引吳郡唐寅書

樂處酣歌時光容易過苦處奔波早晚偏難渡世界號
娑婆苦樂平分破佩玉鳴珂生辰不似他戴笠披蓑安

閒不羨他 別人騎馬我騎驢更有徒行個日月旋如梭天地旋如磨也非過意相推挫

美竹幽花便是清涼界淡飯粗茶且共蕭閒話白日裏苦喧嘩有約來良夜網得魚鰕壺傾問酒家筆走龍蛇詩成付會家 世間禍福亂如麻我也難禁架休言鵲與鴉任作牛和馬只教方寸長瀟灑

覆轍翻身那箇曾回首大劍長矛那箇曾丟手無數世間愁憑著人承受拜將封侯是英雄釣釣鈎按簿持籌是

愚夫枷杻 休題能向死前休更算千年後步步使機
關也要天公湊行年五十曾參透

皂帽絲絲一第猶難料紫綬緋袍一品猶嫌小量盡海
波濤人心難付著翠養翎毛為誰頭上好豕養脂膏為
誰腸內飽 千尋鳥頭上雲霄何必都經到平地好逍
遙高處多顛倒世人只是回頭少

畫棟雕梁推收紙半張綠髻紅妝消除淚幾行此事本
尋常謾說多魔障百草芳芬須防秋降霜萬木萎黃須

逢春再陽 假如傀儡一登場多少悲歡樣旁人費付
量兀自生惆悵不知判定傳奇上

百甕黃齏須了今生事一縷紅絲須是前生繫人事有
推移總是天安置智似靈龜何常脫死期巧似蜘蛛何
嘗不忍饑 命通若在四更時夜半猶憔悴千年薦福
碑九日滕王記勸君且等時辰至

鐵鎖銅關財寶終須散玉液金丹遲速難違限但放此
心寬萬事從天斷不坐蒲團西方掉臂還不戴蓮冠法

華合眼看 人間苦海黑漫漫送盡聰明漢
饑來粥與 饘睡要床和簟此外不須多繾綣

麋鹿山邊終日防弓箭鸚鵡簷前終歲愁
猫犬身在畏途間頃刻憂機變恩愛纏綿多
因仇恨緣涕淚流連多 因歡喜緣 白駒過隙難留轉何苦又加鞭
靈臺一寸 間簇起冰和炭任教世事如電閃

愁多病多早已髻毛皤恩多寵多轉入是非窩
洗耳聽 漁歌一一多嘲我漫天網羅方被浮名誤
三載沈疴兒

被阿爺候 只今九表向天呼誓不上長安路黃昏夢
已徂破衲還堪補聊就人間小結果

一粒芝麻救饑也是他一片黃瓜解渴也是他其餘萬
事賒到了成虛話纔說西家殺牛與宰馬又說東家鑽
龜共打瓦 他們圖甚王和霸一任的閒搭掛待乘博
望槎看過天河界那時碌碌纔干罷

南陌東疇是兒孫馬牛趙舞秦謳是歡喜冤讐萬事總
悠悠勞生何所求一簇眉頭算前又算後三寸舌頭說

強又說醜 饒君一日可千秋空落得多偏慙青山夢
裡遊玄牝空中守羲皇一夢君知否

你會使乖別人也不呆你要錢財前生須帶來我命非
我排自有天公在時該運該人來還你債時衰運衰你
被他人賣 常言作法可消灾怕沒福難擔戴有酒且
開懷見怪何須怪一任桑田變滄海

右倣唐六如對玉環帶清江引王錫爵

珊瑚網跋一則見前

唐六如醉璫香詞帖 行楷書

香閨長日不勝情把春心分付銀箏巧弄十三絃間關
花底流鶯寫幽怨綠慘紅驚還記得天寶年中舊曲調
促音清且移宮換徵試奏新聲 能彈更羨人如玉玉
生香笑語盈盈十指弄纖柔傳芳意款語叮嚀催象板
一任他翠鈿零落金雁縱橫恁風流也應未數薛璫瓊
右醉璫香譜蘇臺唐寅

祝枝山詞蹟

燈火三更把美籌風沙萬里覓封侯蠶兒作繭生難罷
蛾子親燈死却休身外苦夢中忙渾無些子為吾謀
世間富貴真何物賺得英雄白了頭調鷓鴣天

南阜小亭臺薄有山花取次開寄與多情熊少府晴也
須來雨也須來隨意且銜杯莫惜春衣坐綠苔若待
明朝風雨後人在天涯春在天涯調一剪梅

楊用修詞草

弓鞋一掬凌波迴冉冉盈盈羞顧影擎茶步緩乳花凝

鬪草歸遲苔露冷 雪皺雲鬆倩郎整羅帳燈昏蓮瓣
暝掌中無力掬瓊枝渴思半消殘酒醒 右題情木蘭
花升菴楊慎

陳道復梅雪詞帖

行草

葛姬號梅雪金陵人也年最幼性最淑與尋常姬大不
侔原其號稱情矣山人見於婁之東扣其顛末則其前
輩山人之二十年交也呼酒盡醉且作梅枝并置一詞
贈之詞寄蝶戀花云

梅子花開春事早瑞雪霏霏滿目明如掃高下一天渾
是縞誰云世上無瑤島花下那人真箇好就裏溫然
似玉無瑕藻人景相輝難細道多情忽地為傾倒白
陽山人書於濠西旅館時嘉靖乙未中秋

莫雲卿墨蹟

內

塗香莫惜蓮承步長愁羅襪凌波去只見舞迴風都無
行處踪偷穿弓樣穩竝立雙趺困纖妙說應難須從
掌上看右咏弓足詞調菩薩蠻

六藝之一錄卷三百九十二

欽定四庫全書

六藝之一錄卷三百九十三

錢唐倪濤撰

歷朝書譜八十三

唐賢墨蹟

啟札

韓致堯手簡十一帖

昨日奉示及不任悚荷渥以風毒脚氣發動今日亦不
任入謁彼此抱病徒切詠思出得且以相面為意幸甚
幸甚謹狀 八月二日渥狀 某所聞甚不恒勿惜

示及

渥今日衰迫情地旦夕難勝況又孤侄已下兼與小男
等四處分散中夜往往驚叫便達曉號咽衰邁之年不
自堪忍計申令聞此冤慟必賜軫念不更滯留亦望眷
私委曲見為仰托小版計日夕相見諸郎君學問當進
自此分飛未知何時復遂相見言及此黯然久之珍重
珍重謹狀 渥狀

特惠粉藥無非濟安不任佩荷之至楊氏方寫了竟未

勘畢既承切要徐送何故又忽急徵此方也本欲來拜
謁見取藥方或慮無暇接客以俟別日香粉合複并裹
半袜複并元撲楊子方複子伏奉撫渥熱踈甚曲不成
字此信 渥狀

蛇藥神效已顯驗紫微不小悉兒必達中喜蛇垂不濟
入口便拔特謝謹疏乞不容易與人必恐所言詮處切
切托托不是惡心肚盖名方神藥自古皆禁妄傳縮水
法亦乞不泄見有人相尤竟未見他非試驗不敢發大

道無事且下訪何太踈徐所不會恠十二日渥狀

悶甚欲畧出人馬若閑伏願一借若可允遂稍早令來
免衝甚熱苟或有幸他使亦乞在賜斯處謹狀 廿一
渥狀燈下狀曲不成字

旬日前所諮啓乞一書與建州為右司李郎中經過希
稍延接况承舍人亦與正郎舊知聞必切於施分今晚
有的人去若可踐言速乞封示幸甚幸甚渥雖承建
州八座眷私自是旅客難於托人伏惟照察渥狀 十

月十五日渥狀

楊學士兄弟來此消黎子兩日前已尋得花時伏望拴拔謹狀十四日渥狀

今日若不他出可以略借人馬否先冀到宅無別行一兩處人事脫或有所拘牽即乞不垂形迹以俟後期伏惟照察謹狀 六月廿七日早渥狀

前者三賢采戲共輸弟羅吾弟主辦渥偶先擲五隻深覺歸然幸有輸右省長行三儼輒欲助成一味適舍人

傳語來使今謹送上所以在前狀中不言今特脩此伏
惟照察謹狀 念六日渥狀 乏楮甚小簡甚欲拜侍
且是怕惱亂此會不知何時定為之

眷私借及女使衣服不任悚荷來早令入州人馬必希
踐言泉州書謹封納書中亦說皆諮托必望周而述之
幸甚謹狀 九日渥狀

憂眷借及米貳碩不任濟荷鈍拙無謀惟撓知與不勝
愧赧之至即冀拜謁它冀面述謹狀 念二日渥狀

韓渥借米與魯公乞米何異哉蔣之奇穎叔題

與人簡牘事盡則言止至唐末尚然元祐庚午三月丙子綉江李格非題

黃庭堅馬駒張仲壽題跋三則見前

唐釋懷素食魚帖

老僧在長沙食魚及來長安城中多食肉又為常流所笑深為不便故久病不能多書寔媿予報諸公興善之會當得扶羸也即日懷素藏真白

吳詰李璜張宴沈石題跋五則見前

素公客舍等帖

吾自旦及今食噉苦不下非常悶悶復在客舍所求者
並乏加以年老期汝等復得年月耳 一日

圓而能轉字字合節同桑林之舞也

常以憂悶為其勞也冬熟將船取米物必寄千斛乃可
時也藥物十月內示采取之還人不復耳 三月一日

報

帖首及接縫處俱有宣和政和紹興天水雙龍二小
璽尾有內府圖書之印又有秋壑圖書

曹用薛紹彭二跋見前

梁楊凝式韭花帖

晝寢乍興輞飢正甚忽蒙簡翰猥賜盤飧當一葉報秋
之初乃韭花逞味之始助甚肥羴寔謂珍羞充腹之餘
銘肌載切謹修狀陳謝伏惟鑒察謹狀 七月十一日

楊少師韭花帖米元章一見得正書之變余與董思

翁見秀州項鑑臺齋中今年丁丑八日子毗携過山
中老眼摩娑頓覺一番明淨陳繼儒記

張宴賈希朱董其昌三跋見前

宋賢墨蹟

啟札

李西臺六帖

所示要山母今得一小籠予封全詔送不知可用否是
新安缺門所出者復未知何所用望批示春冬衣歷頭
賢郎未檢到其宅地尹家者根本未分明難商量耳見

別訪尋穩便者若有成見宅子又如何細希示及

諮押

孫號西行少車今有舊車如到彼不用可貨却也金部
同年披風甚慰私抱殊未欸曲旋值睽離必然來晨朝
車行邁適蒙示諭愈傷老懷惟冀保愛也萬萬不勝銷
黯見女夫劉仲謨秀才并第二兒子在東京相次發書
去如有事希周庇也 押簡上金部同年

九月十六日

湯世帖碑文王道畧表西京之物也

懷湘南拙詩附上 同院劉學士鵬同年邵兵部希差
人通達或與面聞也 建中又白

貴宅諸郎各計安侍奉所示請改章服昨東封須得出
身歷任家狀一本并須費擎官誥勅牒去未審此來如
何行遣也兼為壯子事已令彼僧在三學院安下近已
往彼去未迴此庄始初見說甚好只是少人管勾若未
賃可且收拾課租亦是常計不知雅意如何也候親家
亦言可惜拈却

押
詔

劉秀才久在科場洛中拔解今西遊兼欲祇候府主希
畧一見也 右附前帖末

建中白近賢郎秀才去專馳手書伏想已達左右玄
律將半陰風向嚴公理之外道養無爽此離羣寡侶望
風懷賢無日不然也時光流速同年知心凋落大半耳
加之官遙人事何牽纏至是哉惟再三保愛虔禱虔禱
因人無恡玉音今左十秀才行謹寓狀諮問起居不宣
同年兄李押建中狀上

屯田仁弟

十一月十一日

左右為河中有少里會家業被人羅織公途甚是分明

希特與照燭

建中白

齊古同年仁弟相別已是隔年傾渴可量丹誠累垂示
翰益認道友劣兄自去秋患脾胃氣于今餌藥未獲全
愈復差出淮汴口祭醮然無力祇荷迴來冷氣發動歸
休之計未成多難故也此外別無疾嗜慾已絕訖知
仁弟又鼓盆莫且住脚也初夏惟保愛為切值女夫劉

先輩補吏昭應託寓狀諮問起居不宣

齊古同年仁兄

三月六日

近蒙寄到書開却封却恐是留臺陳公也已附西京去
要知之

丈及翁仇遠楊維禎三跋見前

蔡君謨二帖

富陽帖

裹泣血言逆惡深重扶護南歸死亡無日不可循常禮

不通誠意於左右今至富陽平安明日登舟或雨水少
增當舟行至三衢也裹素多病遭此荼毒就令不死足
膝日甚氣力日衰亦為廢人豈復相見耶辱君知愛之
心不殊兄弟一念哀痛哽塞何言哽塞何言在道程頓
官員勾當齊整無一闕之感惕感惕裹叩頭 子發郎
中足下 十三日

遠承帖

襄啟遠承惠問厚意所存益有感著知日來體氣佳勝

殊為慰也近被命尹治日以穰劇居不得暇移書致謝
不盡縷縷惟眠食自重不宣襄拜手 長官足下 八

月念一日

徐渤跋見前

陶生帖

襄啟示及新記當非陶生手然亦可佳筆頗精河南公
書非散卓不可為昔嘗惠兩管者大佳物今尚使之也
耿子純遂物故殊可痛懷人之不可期也如此僕子直

須還草草奉意疎畧正月十一日襄頓首 家屬並安
楚掾旦夕行

入春帖

襄啓入春以來屬少人便不得馳書上問唯深瞻想日
來氣候陰晴之不齊計安適否貴屬亦平寧襄舉室吉
安去冬大寒出入感冒焦勞百病交攻難可支持雖入
文字力求丐祠今又蒙恩復供舊職恐知專以為信前
者銅雀臺瓦硯十三兄欲得之可望寄與旦夕別端石

奉送也正月十八日襄頓首 公綽仁弟足下

思詠帖

襄得足下書極思詠之懷在抗留兩月今方得出關歷
賞劇醉不可勝計亦一春之盛事也知官下與郡侯情
意相通此固可樂唐侯言王白今歲為游閨所勝吁可
怪也初夏時景清和願君侯自壽為佳襄頓首 通理
當世屯田足下 大餅極珍物青甌微粗臨行匆匆致
意不周悉

已上三
帖草書

縣君帖

襄再拜伏承縣君吉窆有日襄以行路并亡男齋僧赴期不及謹遣州校少持非禮聊以伸親戚之好殊非豐腆深自為愧謹奉手狀啟聞旦夕前行此不一一 襄上 郎中七兄左右 念七日早

京居帖

襄啓去德于今蓋已浹歲京居鮮暇無因致書第增馳系州校遠來特承手牘兼貽楮幅感戢之極海瀕多暑

秋氣未清君侯動靖若何眠食自重以慰遐想使還專
此為謝不一不一襄頓首 知郡中舍足下 謹空

九月八日

謝郎帖

謝郎春初將領大娘以下永安年下朱長官亦來泉州
諗候今見服藥日覺瘦倦至於人事都置之不復關意
眼昏不作書然少賓客省出入如此情悰可知也不一

一 襄送 正月十日

中間帖

襄啓中間承勞紆問適會疾未平殊不從容示書兩通
知煩指幹新第有未備且與鐫鑰却候別作一番併了
之四人園子只與門下每人一間園中地分與四人分
種要他栽種也不一一 襄奉書 五日

已上四帖
皆行草書

大研帖

襄啓大研盈尺風韻異常齋中之華繇是而至花盆亦
佳品感荷厚意以珪易却若用商於六里則可真則趙

壁難舍尚未決之更須面議也 裏上 彥猷足下

念一日

山堂書帖

丙午三月十二日晚

欲尋軒檻倒清樽江上烟雲向晚昏須倩東風吹散雨
明朝却待入花園

十三日吉祥院探花

花未全開月未圓看花待月思依然明知花月無情物

若使多情更可憐 十五日山堂書

蒙惠帖

蒙惠水林檎花多感天氣暄和體履佳安 襄上 公

謹太尉左右

已上三帖
皆真行書

倪瓚陳文東二跋見前

蔡端明賓客七兄帖

已下俱見式古堂
書畫彙考無題跋

襄啓前蒙惠書伏審尊候萬福聞七兄入京都即休政
此士君子所以自處始終也甚善甚善公綽數日前見
訪敝齋道話終夕近日保養之法頗見門戶然且能自

保涓

缺

久當得力州下更肅靜如前時可自遣
也舟船必恐無用目下尚闕遣人勾還謹奉手狀問起
居不宣裏上賓客七兄足下正月念五日

蔡端明暑熱帖

行書
紙本

裏啟暑熱不及通謁所苦想已平復旦夕風日酷煩無
處可避人生韁鎖如此可歎可歎精茶數片不一裏
上公謹左右 牯犀作子一副可值幾何欲託一觀
賣者要百五十千

蔡忠惠離都帖

襄啟自離都至南京長子勻感傷寒七日遂不起此疾
南歸殊為榮幸不意災禍如此動息感念哀痛何可言
也承示及書并永平信益用悽惻旦夕度江不及相見
依詠之極謹奉手啓為謝不一 襄頓首 杜君長官
足下 七月十三日 貴眷各佳安老兒已下無恙永
平已曾於遞中馳信報之

蔡莆陽連日山中帖

行書
紙本

襄連日山中從容至

闕文

所無也遽別益用懷企是晚亦

復下山方念走訊而專帖已墜前矣河豚甚富甚鮮與
諸人大嚼無不贊美市賈甚窮為帑人費為有媿耳香
餅已巴脯方糖霜餅範皆遣去幸視至宰座處極荷重
言亦已從郡中投詞以應之矣見齷頷有隨即無之苦
於庵中固嘗言之矣大儒欠道世務未易救療為可惜
耳一事目屬心至達其中無曲折云襄上一哥制幹
新班賢甥承奉不別簡前日謝過訪未須行答

倪瓚陳文東汪珂玉三跋見前

范忠宣手簡司馬溫公帖

純仁再拜近人回魯狀上必計通呈伏惟尊候多福伯
康必更痊乎純仁勉強苟祿自取疲耗無足此處抹去念者

日企軒御之來以釋傾渴天氣計寒必倦出應且盤桓
過冬況伯初諒難離去咫尺無由往見豈勝思仰之
情更祈以時倍加保重其他書不能盡

純仁頓首上伯康君寔二兄坐前九月十一日

右伏蒙尊慈特有頒賜感佩之至但積下情謹奉狀陳

謝伏惟照察謹狀

月日具位

狀

此係溫公筆

汝述明任希夷黃潛朱潤四跋見前

蘇子美今春帖

草書在粉箋上

今春徧遊蘇城之民圃絕有佳處竒花偉石非它所見
也如歸亭風月甚可喜使僕慨然忘歸深足樂耳

孫之翰尺牘

之翰啟孟冬薄寒伏惟

德表兄長朝奉尊體起居萬

福之翰即日蒙恩不審邇來動止何似之翰改使河北
向已上狀自後江行寡便不數拜問之翰八月念二日
方到本路十月中始還治舍内外幸亦如常末由省侍
伏乞善保寢興專奉狀拜候不備弟之翰百拜 德表

朝奉兄

坐前

十月十五日狀

蘇老泉臨顧帖

行書紙本

洵頓首前辱臨顧末由詣謝承惠教祇增愧悚晴暖尊
體佳勝旦夕走前次人還且此布謝不宣洵再拜 君

懿郎中仁兄閣下 錢已如數領訖何用忙也

題跋已見前蘇氏一門冊

蘇東坡病眼帖

軾春時病眼不能開眉黃夢軒舊事露足下想已知之
葛明塘添情告府昨求於僕不知錢君錫肯為一解不
若果庶不難耳日來園中桃李顏色無塵同輩應
移坐雪堂前可作一絕強支歲月何如僕夜夢中有一
杭人多惠龍團幾斛盡皆一時飲之請解意何也昨周

澹閑見訪送二水底余遂書落花詩二首
整酬軾上得之三月十六日

周景遠高殿俞和三跋見前

蘇東坡近人帖

軾啟近人回奉狀必達比日履茲春候豈弟之化想已
信服吏民坐獻之樂豈有涯哉無緣陪接但深馳仰尚
冀若時保練少慰區區不宣軾再拜質翁朝散使君老
兄閣下正月念四日

蘇東坡東武帖

東武小邦不煩牛刀實無可以上助萬一者非不盡也
雖隔數政猶望掩惡耳真州房縉已令子由面白悚息
悚息軾又上

黃石翁跋見前

蘇東坡一夜帖

一夜尋黃居寀龍不獲方悟半月前是曹光州借去摹
搨更須一兩月方取得恐王君疑是翻悔且告子細說

與纔取得即納去也却寄團茶一餅與之旌其好事也
軾白季常念三日

蘇東坡恕察帖

令弟不及別幅惟恕察見舍弟幸為道無恙也浙中有
幹示諭軾再啓

柯九思鄭元祐二跋見前

蘇東坡與朱康叔簡

閣名久思未獲佳者更乞詳閣之所向及側近故事迹

為幸董義夫相聚多日甚歡未嘗一日不談公之美也
舊好誦陶潛歸去來常患其不入音律近輒微加增損
作般涉調哨遍雖微改其詞而不改其意請以文選及
本傳考之方知字字皆非創入也謹小楷一本寄上却
求為書拋磚之謂也亦請錄一本與元弼為病倦不及
別作書也數日前飲醉後作頑石亂篠一紙私甚惜之
念公篤好故以奉獻幸檢至

蘇東坡作書帖

尊丈不及作書近以中婦喪亡公私紛冗殊無聊也且為達此懇軾又白

蘇東坡京酒帖

京酒一壺送上孟堅近晚必更佳軾上道源兄十四日

蘇東坡寶月帖

大人令致懇為催了禮書事冗未及上問昨日得寶月書書背承批問也令子監簿必安勝未及脩染軾頓首

蘇東坡啜茶帖

道源無事只今可能枉顧啜茶否有少事須至面白孟
堅必已好安也軾上恕草草

蘇東坡令子帖

令子所示專在意來日相見即達之但未必有益也輒
送十緡省為一奠之用患難流落中深愧不能展毫末
也不罪不罪軾手啓

蘇頴濱車馬帖

轍啓頃承車馬按部獲少奉談笑殊慰傾瞻奉違未幾

即日不審起居何如轍幸此解罷免於敗闕皆出餘庇
感戴實深未遑走謝左右惶悚可量也酷暑千萬為時
珍重謹奉手啓不宣轍再拜提刑國博執事六月九日

蘇頌濱雪甚帖

轍啓雪甚可喜宴居應有獨酌之樂區區書不能盡轍
頓首定國承議使君念三日

蘇頌濱惠教帖

承惠教兒子相次上謁轍上定國閣下

蘇頲濱晴寒帖

轍啓晴寒履況清安今晚有暇一況甚幸不一轍頓
首定國使君仁弟念七日

蘇頲濱文字帖

安君文字今日已晚來日督之次海即催之改中無復
義理可為太息

蘇伯達台眷帖

邁拜問台眷一一萬福別紙所悉尚容細處之宅委勿

鄙邁拜問

黃涪翁糟薑銀杏帖

庭堅頓首承惠糟薑銀杏極感遠意雍酥二斤青州棗
一節漫將懷向之勤輕瀆不罪庭堅頓首

黃涪翁天民知命帖

天民知命大主簿霜寒想八嫂安裕九姪四姪大新婦
普姐師哥四娘五娘六郎四十明兒九娘十娘張九咩
兒韓十小韓魯兒湖兒井兒各安樂過江來甚思汝等

寂寞且奈煩不須憂路上路上甚安穩但所經州郡多
故舊須為酒食留連耳家中上下凡事切宜和順三人
輪管家事勿廢規矩三學生不要令推病在家依時節
送飯及取歸書院常整齷文字勿借出也知命且掉下
潑藥草讀書看經求清淨之樂為上大主簿讀漢書必
有功矣十月十四押報 諸姝子以下各小心照管孩
兒門莫作炒切切

俞貞木跋一則見前

黃涪翁與立之手簡

庭堅頓首辱教審侍奉萬福為慰承讀書綠陰頗得閒
樂甚善欲為素兒錄數十篇妙曲作樂尚未就爾所
送紙太高但可書大字若欲小行書須得矮紙乃佳適
有賓客奉答草率庭堅頓首立之承奉足下

陸游跋一則見前

黃涪翁竭力田園帖

雲夫七弟得書知侍奉廿五叔母縣君萬福開慰无量

諸兄弟中有肯為衆竭力治田園者乎鰥居亦何能久
堪復議婚對否寄示兄弟名字曲折合族圖幾為完書
矣但欲為其中有才行者立小傳尚未就耳龐老傷寒
論無日不在几案間亦時時擇默識者傳本與之此奇
書也頗校正其差誤矣但未下筆作序序成先送成都開
大字板也後信可寄矣蘄州藏記亦不忘但老來極懶
故稽緩如此耳壽安姑東卿一月中俱不起聞之悲塞
二子雖有水磴為生資子顧弟亦能周旋之乎奄寥之

事計子顧必能盡力矣叔母不甚覺老否徐氏妹孀居如何調護不爽耶無期相見千萬為親自愛十月十一日兄庭堅報雲天七弟

黃涪翁伏承帖

庭堅頓首伏承遠歸道涂之勤未得休息而躬料湯藥至輟寢膳竊惟起居不適幸有安平之候想遂釋然矣時雨沾足春風妍暖想同親家母萬福民有食麥之慶令嗣長官亦得申眉矣亟作此狀候服藥者安問極不

周至續亦別通啓左右矣庭堅再拜

米襄陽無能帖

帝皇恐頓首再拜上覆芾聞茸無能猥繼清獻之緒為
貧所迫冒昧宦遊試吏於江陵司計之官甫幸善罷到
侍郎選擬會稽征屢遲次罹罰繼而間關淮壖竊儀
真醯庾之祿幾年又以內艱而去流離困躋無所告語
靜思庸慙乃分之宜自此絕意榮望敢意字民復在畿
邑家無縣譜斐然學製寧逃傷錦之譏曠敗必矣此芾

之所甚懼也不圖夤緣幸會獲庇所天尚賴餘光下照
匿瑕之仁庶免於戾此心日切私意自幸芾皇恐頓首
再拜上覆

米襄陽淮省帖

芾昨淮省劄為昌邑昌化實屬治所茲者瓜時甫及當
代卞從政近得書報以二月二十二日滿罷促芾如期
芾旦夕躬詣台墀少伸參謁之恭祇受約束重惟唐山
叢爾之地屬隸京師號為難治顧芾昏蒙無似豈應在

撫字之選惟是仰依盛德宏量無所不容

闕下

米襄陽一介帖

芾皇恐頓首再拜上覆芾一介晚出獲齒士夫之後隆
名碩德竊服舊矣名卑官下無從躡附賓舄瞻拜光儀
今幸祇役部封當備使令之末平時慕用願見而不可
得者浸浸獲伸矣引頸崇墉不勝欣躍歸誠之至芾皇
恐頓首再拜上覆

米襄陽府判帖

帝咨目皇恐頓首再拜上覆府判中大台坐即日孟春
之月青煒向繁恭惟贊貳王畿神明拱相台候動止萬
福帝謹薰沐染翰控問興居伏惟台察不宣帝咨目皇
恐頓首再拜上覆

米襄陽疎逃帖

帝皇恐頓首再拜上覆帝疎逃下寮不敢進誠申問台
閑仰惟中外泰定福祿滋至帝退惟僭易不任兢灼之
情帝皇恐頓首再拜上覆

米襄陽司籤帖

帝皇恐頓首再拜上覆
帝申詞司籤肅嚴右記
邇辰不審台履何似
仰惟貳車之賢密佐
守尹正直是與何福
不除更祈惠令上體
眷隆節宣自厚導迎
疑有闕文
皇恐頓首再拜上覆

曹函光跋一則見前

米襄陽九帖

五月四日帝啓蒙書為尉審道味清適連陋邦也林君

必能言之他至此見未有所止蹄涔不能容吞舟閩士
泛海客游甚衆求門館者常十輩寺院下滿林亦在寺
也萊去海出陸有十程已貽書應求儻能具事力至海
乃可此一舟至海三日耳海蝗云自山東來在敝邑境
未過來爾禦寇所居國不足豈賢者欲去之兆乎呵呵
甘貧樂道乃士常事一動未可知宜審決去就也便中
奉狀頓首葛君德忱閣下

葛叔忱家計如何何人經理子弟長成否莫且依卽氏

過不邵氏二子弟生事如故不令人念之息老住院隨
小師在丹徒安否久不得好缺白沙有何舊人子平所
苦何疾得宣城佳郡也然既以疾辭莫難便拜命不須
且辭免也度過山陽或入覓之

元日明窻焚香西北向吾友其永懷可知展文皇大令
閱不及他書尋臨寫數本不成信知者在前氣餒懾人
也有暇作譜發一笑於事外新歲勿招口業佳別有何
得泗戎東下未已有書至彼俟之

梅惇奉議部授漣水何處人非子中甥乎

闕

詳問以告

中間紛紛了無事蓋子中不留遂皆痿痺昭代有此老不能與人爭得若杞時又須廝論也芾頤首

兩三日未解海岱只尺不能到焚香而已日短不能晝眠又少人往還惘惘足下比何所樂

米襄陽長者帖

敬頤首再拜後進邂逅長者於此數厠坐末款聞議論下情慰忤慰忤屬以登舟即徑出關以避交遊出餞遂

莫皇祇造舟次甚為瞻慕曷勝下情謹附使奉啟不宣
黻頓首再拜知府大夫丈榮下

米襄陽明公帖

黻再拜明公懿德茂履士所推慕武城未究遠業佇聞
褒嘉共要別馳賀也子中書至面投黻再拜

米襄陽經宿帖

芾頓首啓經宿尊候冲勝山試納文府且看芭山暫給
一視其背即定交也少頃勿復言芾頓首彥和國士

闕

本欲來日送月明遂今夕送耳

米襄陽閱書帖

帝皇恐皇恐帝既稍出門仍意無外却尚恐異日因見
所知而有隱情不告者將遂得罪左右故有露布仰浼
台聽帝平生喜書畫老親見聽直有不足至親授以首
飾使購之常曰吾姓女夢雙角人手携一軸物自空下
故帝每得一書初任客觀亦置於飯几亦升車手執之
既窮其趣則以良日以紙鋪加書淨几上復用紙覆自

紙間以皂角灰水浸良久按覆紙洗之上紙爛即團以拂書塵垢一去然後覆書除背紙去手澤有不可儉者則又加團洗潔白而後止親用乳香作糊於百幅紙中心取剪四邊多近手有垢者而加背馬背訖即覆以紙加糊置一室中或綾錦皆洗紬安訖亦洗加跋紙取跋紙如背紙工畢入一奩中非明窻淨几與見知客未嘗發每一發之文犀瑩玖紫墨錦綺繁然溢目印以米姓祕玩書印文其所謂書者皆非前所閱可比也亦非今

好事者所多有也余每示人者印以米姓清玩之印丈
以待暴不可告以情之容秘玩者實憇客以手指點衣
袖印摘之偶一及之必洗書如初紙素不可數洗必欲
戲一搗之是毀書也樞密唐公志東欲觀而以情告見
許遂敢出閱書之法洗二案相比帑以紙繅鋪訖濯手
親取書於奩中鋪展以示客客拱而憑几坐從容細閱
帑趨走於前客云展帑展客云卷帑卷客據案甚尊帑
執事趨走甚卑舍佚執卑者止求不以手或衣振拂之

耳老母訓之不能改朋友誨之不能悛子弟諫之不能從惟蘇遐舉曰君異日當以此忤要官帝念要官可忤不可改心行年五十老倦則輸之御府必在不已品公亦能屈意而一觀乎或於公齋或過敝齋得進退如禮雖同子弟雜觀可也倘公不欲屑屑徇一蒙鄙固陋之人則亦非敢曲煩台視而異日亦不敢受不告之罪帝皇恐載拜大夫丈節下

米襄陽眼目帖

十一月念五日芾頤首啟辱教天下第一者恐失了眼
目但休以相知難却耳區區思仰不盡言同官行奉數
字草草芾頤首伯老台坐

米襄陽陳攬帖

昨日陳攬戢戢之勝鹿得鹿宜俟之已約束後生同人
莫不用煩他人也軫之只女平生十官如到部未緣面
見欲罄伸區區也芾頤首再拜

米襄陽真脉帖


真豚一斤少將微意欲置些菓實去又一兵陸行難將
都門有幹示下豚是胡西輔所送帝皇恐頓首 虞老
可喜必相從歡

米元暉動止持福帖

友仁皇恐頓首再拜宗丞學士至性坐右即日伏惟節
抑順變序之遷動止持福不勝馳情之深自承廬國封
塋次既未經百日義不敢遣人上問忽承來過張羅之
巷復奉手況具審即日遠在郊外友仁例不講人事無

由詣見伏紙第深思跋而已謹奉手啟上復不宣友仁
皇恐頓首再拜宗丞學士至性坐右

柯謙光跋一則見前



六藝之一錄卷三百九十三